

Bosna i Hercegovina
Federacija Bosne i Hercegovine
Federalno ministarstvo energije, rudarstva i industrije
Mostar

**Programa utroška sredstava utvrđenih u razdjelu 17. Proračuna
Federacije Bosne i Hercegovine za 2012. godinu Federalnom
ministarstvu energije, rudarstva i industrije „Pozajmljivanje i
učešće u dionicama – Ostala domaća pozajmljivanja”**

Mostar, rujan 2012. godine

1. UVOD

Industrijska proizvodnja u Federaciji Bosne i Hercegovine i Bosni i Hercegovini uopšteno, ima veoma značajnu ulogu za gospodarski razvoj i rast, za nova upošljavanja i realno stvaranje ravnomyernog razvoja u Federaciji Bosne i Hercegovine.

U uvjetima kada su sve zemlje članice EU ratifikovale Sporazum o stabilizaciji i pridruživanju između Evropske zajednice i njihovih država članica, sa jedne strane, i Bosne i Hercegovine, sa druge strane (SSP), i kada se očekuje njegova potpuna primjena, industrijskoj proizvodnji u Federaciji Bosne i Hercegovine, odnosno Bosne i Hercegovine, neophodni su procesi tržišnog privređivanja, financijske, kadrovske i organizacijske prilagodbe s ciljem podizanja tehničko – tehnološkog razvoja i povećanja konkurentnosti proizvoda.

2. PRAVNI TEMELJ

Projekt - dokument: Razvoj industrijske politike u Federaciji Bosne i Hercegovine, usvojen od strane Parlamenta Federacije Bosne i Hercegovine („Službene novine Federacije BiH“, broj 40/10).

3. ZAKONODAVNI OKVIR

Proračun Federacije Bosne i Hercegovine za 2012. godinu („Službene novine Federacije BiH“, br. 3/12 i 77/12) i

Zakon o izvršenju Proračuna Federacije Bosne i Hercegovine za 2012. godinu („Službene novine Federacije BiH“, br. 3/12 i 77/12).

4. CILJ PROGRAMA

Postupno realiziranje strateških ciljeva koji su usvojeni u dokumentu Razvoj industrijske politike u Federaciji Bosne i Hercegovine, sa temeljnim načelima reindustrijalizacije i jačanja konkurentnosti industrijske proizvodnje u Federaciji Bosne i Hercegovine kroz realiziranje i afirmaciju vlastitih razvojnih potencijala.

Očekivani efekti Programa utroška sredstava utvrđenih u razdjelu 17. Proračuna Federacije Bosne i Hercegovine za 2012. godinu Federalnom ministarstvu energije, rudarstva i industrija „Pozajmljivanje i učešće u dionicama – Ostala domaća pozajmljivanja” (u daljem tekstu: Program)

- razvoj novih proizvoda i materijala, proizvodnih procesa ili usluga ili značajna poboljšanja već postojećih proizvoda, proizvodnih procesa ili usluga s većom dodnom vrijednosti,
- poticanje proizvodnje i konkurentnosti industrijskih sektora uvođenjem novih tehnologija i tehnoloških postupaka, unaprijeđenje postojećih tehnologija i tehnoloških postupaka,
- veća izvozna orijentiranost i konkurentnost, povećano upošljavanje i konsolidiranje socijalnih fondova.

5. NAMJENA POZAJMLJENIH SREDSTAVA

Federacija Bosne i Hercegovine je u 2011. godini ostvarila izvoz u ukupnoj vrijednosti od 5.420.236.000 KM¹, što je za 14,5% više u odnosu na 2010. godinu.

U odnosu na ukupan izvoz Bosne i Hercegovine koji je u 2011. godini iznosio 8.222.112.000 KM², udio Federacije Bosne i Hercegovine u tome je 65,9%.

Ukupan izvoz prerađivačke industrije u 2011. godini iznosio je 4.778.941.000 KM, što predstavlja 88,16% ukupnog izvoza Federacije Bosne i Hercegovine i veći je za 14,9% u odnosu na 2010. godinu.

Udio prerađivačke industrije Federacije Bosne i Hercegovine u izvozu prerađivačke industrije Bosne i Hercegovine, koji je u 2011. godini iznosio 7.126.587.000 KM, iznosi 67,0%.

Udio u izvozu, pojedinih industrijskih sektora, prema standardnoj međunarodnoj trgovinskoj klasifikaciji (u daljem tekstu: SMTK), u ukupnom izvozu prerađivačke industrije Federacije Bosne i Hercegovine je sljedeći:

1. Metalna, elektro i automobilska industrija:

Posmatrano po granama djelatnosti, strukturu metalnog sektora određuju proizvodnja baznih metala i metalnih proizvoda, proizvodnja mašina i uređaja i proizvodnja prometnih sredstava. Metalni sektor je u 2011. godini generisao oko 35% izvoza Federacije Bosne i Hercegovine i zabilježio rast prema SMTK, od 17,4%. Približno petina ukupnog izvoza metalnog sektora Federacije Bosne i Hercegovine u 2011. godini ostvarena je u proizvodnji baznih metala i metalnih proizvoda, gdje okosnicu čine: primarne legure i profili od aluminija sa 10,3%, sjedišta i dijelovi sjedišta sa 6,7%, poluproizvodi od gvožđa do 0,25, ugljika sa 3,9%, municija i njeni dijelovi sa 3,6%, šipke od gvožđa sa 2,7%, razne vrste žica sa 2,6%, metalni otpaci sa 1,8% i slično.

2. Građevinska industrija:

Industrija građevinskog materijala - proizvodnja nemetalnih sirovina učestvuje u ukupnom izvozu prerađivačke industrije sa 3%, pri čemu je najviše izvezeno cementa, konstrukcija, keramičkih pločica, crijepa, staklene vune, ukrasnog kamena, proizvoda od cementa, betona i umjetnog kamena, te vatrostalne opeke.

Građevinarstvo i pored svih poznatih problema koji su pratili ovu industrijsku granu (gubljenje tržišta Sjeverne Afrike, smanjenje investicionih aktivnosti u našoj zemlji i zemljama okruženja i dr.), vrijednost izvršenih građevinskih radova u 2011. godini je 714.614.000 KM i za 14,0% ima veću nominalnu vrijednost u odnosu na prošlu godinu.

3. Drvna i papirna industrija:

Učestvuje u izvozu prerađivačke industrije Federacije Bosne i Hercegovine sa 22%. I pored suficita koji ostvaruje u robnoj razmjeni sa inozemstvom, stanje u ovoj industrijskoj grani nije zadovoljavajuće, obzirom da ima još prostora za postizanje boljih rezultata. Razlozi za to su: smanjenje investicija u građevinarstvu, poremećaj na svjetskom tržištu namještaja, neposjedovanje

¹ Federalni zavod za statistiku

² Agencija za statistiku Bosne i Hercegovine

certifikata za izvoz, izvoznih subvencija za domaće proizvođače, garancije i slično.

4. Proizvodnja tekstila, kože i obuće:

Iako spada u niskoakumulativnu granu industrije u kojoj većinu čini ženska radna snaga, proizvodnja tekstila, kože i obuće aktivno učestvuje u izvozu Federacije Bosne i Hercegovine, najviše zahvaljujući „Lohn-poslovima“. Ostvareni izvoz ove industrijske grane je na razini 450.000.000 KM što predstavlja 15,0% izvoza prerađivačke industrije Federacije Bosne i Hercegovine i ima tendenciju stalnog rasta.

5. Kemijska industrija i industrija gume i plastike:

Ova industrijska grana je u 2011. godini ostvarila izvoz od 374.968.000 KM što je za 30,0% više u odnosu na 2010. godinu. Najveći doprinos u tome ima proizvodnja farmaceutskih proizvoda.

6. Namjenska industrija

Vlada Federacije Bosne i Hercegovine i resorno ministarstvo u 2011. godini poduzeli su niz aktivnosti na popravljajući općeg stanja u namjenskoj industriji Federacije Bosne i Hercegovine. Od tih aktivnosti ističemo:

- urađena je i usvojena Strategija razvoja namjenske industrije u razdoblju 2012 – 2022. godina, kao dokument koji određuje pravce daljeg razvoja ove industrijske grane, kako u općem smislu tako i u pojedinačnom smislu za svako gospodarsko društvo namjenske industrije Federacije Bosne i Hercegovine.
- Od sredstava tzv. „Iračkog duga“ uplaćena su sredstva za dugovanja gospodarskih društava namjenske industrije Federacije Bosne i Hercegovine na temelju MIO/PIO u iznosu cca. 34.000.000,00 KM
- Na temelju analize stanja svakog gospodarskog društva namjenske industrije Federacije Bosne i Hercegovine, Vlada Federacije Bosne i Hercegovine sa resornim ministarstvom poduzela je konkretne mjere za prevazilaženje takvog stanja, primjer su „Igman“ d.d. Konjic, PS „Vitezit“ d.o.o. Vitez, „Pretis“ d.d. Vogošća itd. Ove aktivnosti dale su rezultate, a što je vidljivo iz sljedećih podataka: izvoz za 2010. godinu je iznosio 20.190.190,77 €, a za 2011. godinu izvoz gospodarskih društava namjenske industrije Federacije Bosne i Hercegovine je iznosio 31.056.225,06 € iz čega je vidljiva pozitivna razlika u iznosu od 10.866.034,29 €.

Analizirajući dalje podatke, a koji se odnose na planove proizvodnje za 2012. godinu i realnih ugovorenih poslova, te poslova koji su u najavi, planirani iznos sredstava koji će se ostvariti izvozom u 2012. godini je cca 52 miliona €.

Na temelju ovog Programa pozajmljivati će se sredstava za sljedeće sektore industrijske proizvodnje:

- Metalna, elektro i automobilska industrija,
- Građevinska industrija,
- Drvena i papirna industrija,
- Proizvodnja tekstila, kože i obuće,
- Kemijska industrija i industrija gume i plastike,
- Namjenska industrija i
- Prehrambena industrija.

6. PROGRAM POZAJMLJIVANJA SREDSTAVA I MJERE

6.1. Program poticaja razvoja i jačanje konkurentnosti

Svako društvo mora proizvoditi, jer bez proizvodnje nema mogućnosti da napreduje i osuđeno je na nestanak. Proizvodnja stvara novu vrijednost u obliku proizvoda, gdje su sada najčešće glavni resursi znanje i inovacije. Potrebna su stalna ulaganja u suvremenu proizvodnu opremu i tehnologiju i nove proizvode, bez čega se ne može opstati na današnjem globalnom tržištu.

Brzi transferi modernih tehnologija i znanja, preko poboljšanja tehnološke opremljenosti, preduslov su za razvoj novog kvalitetnog proizvoda, povećane produktivnosti i konkurentnosti.

Mjere:

1. Modernizacija tehnološkog procesa

Pozajmljivanje sredstava po ovoj Mjeri vrši se za poticanje ulaganja u:

- Značajna poboljšanja i modernizaciju već postojećih proizvoda, proizvodnih procesa ili usluga s većom dodanom vrijednosti,
- Nabavu novih tehnologija (strojeva, postrojenja i oprema za proizvodnju, mjerni i kontrolni uređaji),
- Nabavu industrijskog znanja (know-how), posebnih znanja i vještina, informatičke opreme usmjerene ka proizvodnji i uvođenje validnog CE znaka,
- Značajnije aktivnosti na temelju promjene sveukupnog proizvodnog procesa i stanja postojeće poslovne djelatnosti društva (reinženjering),

2. Pozajmljivanje za financiranje dijela kamata dospjelih u 2012. godini

Pozajmljivanje po ovoj Mjeri vrši se za:

- Pozajmljivanje određenog iznosa kamate na kreditna sredstva dodijeljena gospodarskom društvu za pretežitu izvoznu djelatnost kod banaka,
- Pozajmljivanje određenog iznosa kamate na kreditna sredstva dodijeljena gospodarskom društvu za nabavu novih tehnologija, strojeva i opreme za proizvodnju kod banaka.

7. KORISNICI POZAJMLJENIH SREDSTAVA

Pozajmljivanje sredstava u ovom programu znači kredit osiguran putem Razvojene banke Federacije Bosne i Hercegovine, reguliran ugovorom o kreditu po kamatnoj stopi ispod tržišne, sa odgodom plaćanja („grace“ periodom) od godine dana, dovoljnim brojem obroka da iznos povrata sredstava bude prihvatljiv, te mogućnosti dobivanja grant sredstava (oprosta određenog broja zadnjih obroka) u visini od 20% od glavnice pozajmljenih sredstava, ukoliko se sve obveze uredno servisiraju na način, u iznosu i u vremenu predviđenom ugovorom.

Pozajmljena sredstva prema ovome programu utroška sredstava utvrđenih u razdjelu 17 Proračuna Federacije Bosne i Hercegovine, mogu biti odobrena:

- Gospodarskim društvima sa sjedištem u Federaciji Bosne i Hercegovine čija je primarna djelatnost definirana djelatnostima proizvodnje u sektorima navedenim u točki 5. ovoga programa i ako upošljava više od 60 uposlenika.

Korisnici ne mogu biti:

- Gospodarska društva u stečaju, osim gospodarskih društava u stečaju u kojima se vrši restrukturiranje,
- Gospodarska društva u postupku likvidacije,
- Gospodarska društva koja imaju nepodmiren dug prema federalnim i državnim institucijama, osim ako isti nije reprogramiran važećim dokumentom,
- Gospodarska društva kojima je zatražen povrat dosadašnjih poticaja ili koja se nalaze u postupku povratka poticaja,

8. SREDSTVA PREDVIĐENA ZA POZAJMLJIVANJE

Sredstva za provedbu ovog programa utroška sredstava utvrđenih u razdjelu 17 osigurana su u Proračuna Federacije Bosne i Hercegovine u 2012. godini.

Navedena sredstva su kreditnog karaktera, sa odgodom plaćanja (grace periodom) od 12 mjeseci i kamatnom stopom od 1,0 %.

Dodijeljena sredstva korisnici vraćaju u minimalno 24 obroka, a maksimalno u 60 obroka, što ovisi o visini dodijeljenih sredstava. Početak povrata prvog obroka sa pripadajućom kamatom i dinamika slijedećih obroka, kao i drugi bitni elementi bit će definirani ugovorom.

Sredstva za provedbu ovog programa odobravat će se u sljedećoj visini novčanih sredstava, na način kako je to dato u Tablici broj 1., i to:

Tablica broj 1

Redni broj	Visina dodijeljenih sredstava u KM	Odgoda plaćanja (grace period) u mjesecima	Broj obroka vraćanja sredstava
1.	do 50.000,00	12	24
2.	50.000,00 – 100.000,00	12	25 - 36
3.	100.000,00 – 150.000,00	12	37 - 48
4.	150.000,00 – 200.000,00	12	49 - 60

Broj obroka vraćanja sredstava određivat će se proporcionalno dobijenim sredstvima, sukladno podacima iz Tablice broj 1.

Gospodarskim društvima, koja blagovremeno vrše povrat dobijenih sredstava, Federalno ministarstvo energije, rudarstva i industrije, na njihov zahtjev, može predložiti Vladi Federacije Bosne i Hercegovine donošenje odluke o oslobađanju povrata ostataka duga u iznosu od 20% od glavnice.

Proračunom Federacije Bosne i Hercegovine u 2012. godini Federalnom ministarstvu energije, rudarstva i industrije u Razdjelu 17, „Pozajmljivanje i učešće u dionicama – Ostala domaća pozajmljivanja”, osigurano je ukupno sredstava u iznosu od 8.400.000,00 KM.

Sredstva su predviđena za provedbu Programa iz točke 6. odnosno za Program poticaja razvoja i jačanje konkurentnosti, u cjelokupnom iznosu.

Od cjelokupnog iznosa, za realiziranje Mjere 1. iz Programa predviđeno je ukupno 7.400.000,00 KM prema Tablici broj 2., i to:

Tablica broj 2

SEKTORI INDUSTRIJSKE PROIZVODNJE	PREDVIĐENA SREDSTAVA U KM
Metalna, elektro i automobilska industrija	1.000.000,00
Građevinska industrija	1.400.000,00
Drvena i papirna industrija	1.400.000,00
Proizvodnja tekstila, kože i obuće	1.800.000,00
Kemijska industrija i industr. gume i plastike	600.000,00
Namjenska industrija	1.000.000,00
Prehrambena industrija	200.000,00
UKUPNO u KM	7.400.000,00

Od cjelokupnog iznosa, za realiziranje Mjere 2. iz Programa predviđeno je ukupno 1.000.000,00 KM za gospodarska društva iz Tablice broj 2.

9. TRAJANJE PROGRAMA

Program traje sukladno Zakonu o izvršenju Proračuna Federacije Bosne i Hercegovine za 2012. godinu.

10. TIJELA NADLEŽNA ZA PROVEDBU PROGRAMA

Tijela nadležna za provedbu i nadzor nad namjenskim korištenjem sredstava po ovom programu su Federalno ministarstvo energije, rudarstva i industrije, Federalno ministarstvo financija – Federalno ministarstvo finansija i Razvojna banka Federacije Bosne i Hercegovine, svatko u okviru svoje nadležnosti.

Federalno ministarstvo energije, rudarstva i industrije (u daljem tekstu: Ministarstvo) ima pravo uvida i kontrole u postupku provedbe odobrenih investicije na lokaciji korisnika.

U svrhu kontrole namjenskog korištenja dodjeljenih sredstava korisnik je dužan provesti odobrenu investiciju u cijelosti, te dostaviti Ministarstvu Izvješće o provedbi odobrene investicije sa prikazom očekivanih učinaka investicije, i to najkasnije do 6 mjeseci nakon dodjele sredstava.

11. PROVEDBA PROGRAMA

Sredstva se dodjeljuju na temelju raspisanog Javnog natječaja. Između ostalog, putem Javnog natječaja bit će zatražena slijedeća dokumentacija:

1. Zahtjev za kredit (obrazac dostupan na web stranici www.rfbih.ba),
2. Poslovni plan sa pripadajućim tabelama: bilanca stanja, bilanca uspjeha, projekcija gotovinskog toka, plan investiranja, projekcija prihoda po strukturi proizvoda (obrasci dostupni na web stranici www.rfbih.ba),

3. Investicioni projekt (metodologija izrade investicionog projekta je dostupna na web stranici www.rfbih.ba.),
4. Osnivački akti (sudska registracija sa svim izmjenama i dopunama, statut i/ili odluka o osnivanju pravne osobe), aktuelni izvod iz sudskog registra, ne stariji od 30 dana, dokumentacija o izvršenoj privatizaciji društva),
5. Odluka nadležnog organa pravne osobe za zaduženje (ukoliko postoji zakonska obveza),
6. Izvod iz registra vrijednosnih papira Federacije Bosne i Hercegovine (za dionička društva) izdat od Komisije za vrijednosne papire Federacije Bosne i Hercegovine,
7. Uvjerenje o poreznoj registraciji (identifikacijski porezni broj),
8. Uvjerenje o registraciji/upisu u Jedinstveni registar obveznika indirektnih poreza (PDV broj), ukoliko je PDV obveznik ili izjava da društvo ne pripada skupini PDV obveznika,
9. Obavijest o razvrstavanju pravne osobe prema djelatnosti Zavoda za statistiku (posljednje rješenje je važeće),
10. Obavijest o razvrstavanju pravne osobe na mala, srednja i velika poduzeća, ovjeren od strane AFIP-a,
11. Finansijsko izvješće pravne osobe za posljednje tri poslovne godine ovjerene od strane AFIP-a, te polugodišnje finansijsko izvješće (ukoliko istim raspolažu) sa pripadajućim obrascima,
12. Analitička bruto bilanca za posljednje obračunsko razdoblje (godišnji ili polugodišnji), kao i analitička bruto bilanca na posljednji dan prethodnog mjeseca u odnosu na dan podnošenja zahtjeva za kredit,
13. Analitičke kartice potraživanja, obveza i zaliha, sa ročnom strukturom i osvrtom na sumnjiva i sporna potraživanja (na dan analitičke bruto bilance za prethodni mjesec dostavljenog na temelju točke 12.),
14. Analitičke kartice kredita i leasing aranžmana kod banaka i leasing kuća, sa kopijama ugovora po svim kreditima i leasing aranžmanima u korištenju,
15. Potvrda/Uvjerenje o stanju poreskih obveza, obveza po doprinosima za MIO/PIO, zdravstveno osiguranje i osiguranje od neuposlenosti, izdata od strane nadležne Porezne uprave,
16. Potvrda/Uvjerenje o stanju obveza na temelju poreza na dodatu vrijednost, izdata od nadležnog Regionalnog centra Uprave za indirektno oporezivanje,
17. Spisak uposlenika iz matične evidencije aktivnih osiguranika, izdat od strane nadležne službe

Napomena: Potvrde/uvjerenja ne smiju biti starija od 30 dana od dana podnošenja kreditnog zahtjeva.

18. Specifikacije isplaćenih plaća u posljednja tri mjeseca, ovjerene od strane Porezne uprave,
19. Ugovori o plasmanu roba/usluga (predugovori, pisma namjere) sa pregledom realiziranja aktuelnih ugovora,
20. Ponude/predračuni dobavljača/izvođača radova za sredstva koja se nabavljaju iz kredita,
21. Imovina koja se nudi kao osiguranje kredita: procjena sudskog vještaka, ne starija od šest mjeseci i ZK izvadak, ne stariji od 30 dana.

Napomena: Naputak o minimalnom sadržaju nalaza sudskog vještaka za procjenu predmeta zaloga kao instrumenata osiguranja naplate kredita, dostupno na web stranici www.rfbih.ba .

22. Za povezane pravne osobe, ukoliko postoje, dostaviti:

- a. ovjerene kopije rješenja o upisu u sudski registar sa svim izmjenama i dopunama, aktuelni izvod iz sudskog registra, ne stariji od 30 dana,
- b. ovjerene kopije finansijskih izvješća za posljednje tri godine, ovjerene od strane AFIP-a, te polugodišnje finansijsko izvješće (ukoliko se istim raspolaže) sa pripadajućim obrascima,
- c. bruto bilanca za posljednje obračunsko razdoblje,
- d. suglasnost povezanih pravnih osoba za uvid u Centralni registar kredita,
- e. konsolidirana bilanca stanja i uspjeha, za sve povezane pravne osobe, urađena sukladno Zakonu o računovodstvu i reviziji Federacije BiH („Službene novine Federacije BiH“, broj 83/09),
- f. tabelarni pregled međusobnih ulaganja, potraživanja i obveza za sve povezane pravne osobe.

23. Ovjerene kopije osobnih karata ovlaštenih osoba za zastupanje sa CIPS prijavama, ne starijim od 30 dana,
24. Suglasnost za uvid u Centralni registar kredita, za pravne osobe i vlasnike (obrazac br.1 i obrazac br. 1A), i Izjava o povezanim pravnim osobama (obraci su dostupni na web stranici www.rfbih.ba),
25. Ostali dokumenti za koje se ocijeni da mogu biti od značaja za ocjenu kreditnog zahtjeva i za koju klijent smatra da je interesantna za Banku.

Pismeni zahtjev za kredit se podnosi Federalnom ministarstvu energije, rudarstva i industrije na memorandumu društva, potpisan od strane ovlaštene osobe sa preciznom namjenom sredstava kredita, iznosom i rokovima otplate kredita, te sa naznakom iz kojeg se industrijskog sektora traže sredstva (Metalna, elektro i automobilska industrija; Građevinska industrija; Drvna i papirna industrija; Proizvodnja tekstila, kože i obuće; Kemijska industrija i industrije gume i plastike, Namjenska industrija ili Prehrambena industrija).

U cilju provođenja postupka dodjele sredstava na temelju podnesenih zahtjeva, federalni ministar energije, rudarstva i industrije imenovat će Povjerenstvo, koje se sastoji od pet članova, i to tri člana iz Federalnog ministarstva energije, rudarstva i industrije (Sektor industrije i Federalna direkcija namjenske industrije) i po jedan promjenjivi član iz Udruženja poslodavaca Federacije Bosne i Hercegovine i granskog sindikata koji se imenuju iz odgovarajućeg industrijskog sektora, u ovisnosti od toga u koji industrijski sektor spada djelatnost koju obavlja podnosilac zahtjeva za kredit.

Povjerenstvo, nakon okončanog Javnog natječaja, izvršit će pregled pristiglih zahtjeva za dodjelu sredstava, s ciljem utvrđivanja formalne ispravnosti istih.

Lista podnesenih zahtjeva za dodjelu sredstava sa pripadajućim priložima, putem Federalnog ministarstva energije, rudarstva i industrije, biće dostavljena Razvojnoj banci Federacije Bosne i Hercegovine na ocjenu rizika.

Nakon što Federalnom ministarstvu energije, rudarstva i industrije bude dostavljena Lista podnesenih zahtjeva za dodjelu kredita koji su od strane Razvojne banke ocjenjeni sa pripadajućim stupnjem rizika, Povjerenstvo će izvršiti konačnu procjenu i shodno tome sačiniti prijedlog liste pojedinačnih zahtjeva sa dodjeljenim iznosima novčanih sredstava.

Federalni ministar energije, rudarstva i industrije, na temelju dostavljenog prijedloga liste pojedinačnih projekata sa dodjeljenim iznosima novčanih sredstava od strane Povjerenstva će sačiniti Prijedlog odluke o odobrenim zahtjevima i isti dostaviti Vladi Federacije Bosne i Hercegovine na prethodnu suglasnost.

Odluka o davanju prethodne suglasnosti i Odluka o odobrenim zahtjevima se objavljuju u „Službenim novinama Federacije BiH“.

Razvojna banka Federacije Bosne i Hercegovine će na temelju donesenih i objavljenih odluka vršiti ugovaranje sa korisnicima sredstava sukladno bankarskoj proceduri.

12. POSLOVNI ODNOS IZMEĐU FEDERALNOG MINISTARSTVA ENERGIJE, RUDARSTVA I INDUSTRIJE I RAZVOJNE BANKE FEDERACIJE BOSNE I HERCEGOVINE

Federalno ministarstvo energije, rudarstva i industrije i Razvojna banka Federacije Bosne i Hercegovine, svoje poslovne odnose uredit će:

Ugovorom o formiranju namjenskog depozita – sredstva za pozajmljivanje i

Ugovorom o komisionim poslovima,

Odlukom Vlade Federacije Bosne i Hercegovine o davanju suglasnosti za potpisivanje ugovora sa Razvojnou bankom Federacije Bosne i Hercegovine i

Odlukom Vlade Federacije Bosne i Hercegovine o načinu alokacije proračunskih sredstava na račun Razvojne banke Federacije Bosne i Hercegovine.

13. KONTROLA UTROŠKA POZAJMLJENIH SREDSTAVA

Federalno ministarstvo energije, rudarstva i industrije može imenovati Povjerenstvo za kontrolu utroška sredstava neovisno od Razvojne banke Federacije Bosne i Hercegovine.

Povjerenstvo za kontrolu utroška sredstava dužno je sačiniti Izvješće o utrošku sredstava za 2012. godinu i putem Ministarstva isti dostaviti Vladi Federacije Bosne i Hercegovine.

Ovaj Program Vlada Federacije Bosne i Hercegovine usvojila je na svojoj 61. sjednici koja je održana 19.09.2012. godine u Mostaru